









世祖章皇帝聖訓序

朕惟自古膺圖御曆之后躬集大統手致  
太平懋烈豐功光前翼後行之爲政斯發  
之爲言義蘊固卓越乎百王訓行尤昭示  
乎奕禩惟聖有作後人述焉千載同揆也  
我

皇考世祖體天隆運英睿欽文大德弘功至仁  
純孝章皇帝神靈首出智勇天授秉英斷之姿  
而持以恭儉擴寬仁之量而濟以憂勤爰



是冲齡定鼎薄海歸心救生民於水火之中而庶政咸熙萬邦作乂德盛勳崇曼哉莫尚矣若夫宵旰圖維宮庭訓敕煌煌綸綍嘉言孔彰究聖學之高深著王道之正直凡所以凝

天命揚

祖德顧民巖持國體者叮嚀反覆深切著明而意旨所注尤殷殷乎省躬克己納誨親賢綱紀畢張淵衷若歉及乎訓誡臣下守正



奉公鼓勵激揚至誠感發靡不輸服而効  
忠黽勉而奮績也蓋自我

太祖高皇帝肇造鴻基

太宗文皇帝式廓駿業而我日隆弘治  
皇考心傳合一不顯丕承弘闡經猷布爲政教  
皇考所以卽事成謨遇物爲誥包羅典冊釐剔  
章程美善畢臻鉅細咸備堯咨舜做何以  
加茲朕祇承遺緒惕厲靡寧瞻方策之常  
新優羹墻之如覩因命儒臣分類編纂朕



復詳加披繹計一百一十三條統爲

聖訓六卷寶諸金匱拱若球圖俾後嗣子孫知  
我

皇考之貽謀燕翼百世無疆開國經綸萬年時  
皇考敘所以杜愆忘而遵典則者心法於是乎  
太宗在書曰紹聞衣德言詩曰紹庭上下陟降  
厥家嗚呼可不敬哉



康熙二十六年三月二十七日



康熙二十六年三月二十日



世祖章皇帝聖訓序

古昔帝王應運而興開物成務有君天下之規模凝命敕幾有師天下之典則故言出而成經教思所被率土歸仁歷觀往代紀載肇乎二典彝倫敘於九疇罔不播爲成憲炳如日星簡籍具存可考而知也欽惟我

世祖體天隆運定統建極英睿欽文顯武大德弘功至仁純孝章皇帝秉岐嶷首出之資建永



清大定之業冲齡踐阼統一車書義問達  
乎梯航仁聲徧於塗巷盛德大業富有日  
新自唐虞三代以來史冊所傳罕有及者  
至若洋洋聖謨包涵萬有大之關倫教綱  
常之重而閭閻之日用飲食所弗遺精之  
在身心性命之微而宮府之制度典章所  
必飭巨細畢該網維盡善要惟本精一執  
中之奧蘊以成經世服物之鴻謨誕告多  
方嚴明愷摯訓敕有位深切周詳意皆出



乎至誠理尤協於克一用以光大前徽開  
萬年有道之長筭乎與天地爲昭矣我

聖祖仁皇帝躬承

先訓命儒臣分類編輯計一百一十有三條彙  
成

聖訓六卷以傳久遠我

皇考念切紹衣宮庭宵旰追述

先猷朕從溫清之時聞知維謹嗣膺大統志在  
覲揚朝夕披陳具見開國經綸超越前古



詒謀燕翼垂裕無窮是用敬爲剗刻昭示  
臣民俾海隅出日之遠咸觀光華寶之如  
圖球信之如著蔡是訓是行欽承勿替庶  
幾道德一而風俗同唐之政要宋之寶訓  
夫豈可同年而語者哉謹序



乾隆四年十二月初十日



聖訓序



大清世祖體天隆運定統建極英睿欽文顯武  
大德弘功至仁純孝章皇帝聖訓目錄

卷一

論治道

敬天

聖孝

聖學

謙德

節儉



儆戒

卷二

敦睦

諭羣臣

求言

納諫

任官

卷三

考績



選舉

誠飭臣下

卷四

理財

恤民

賑濟

重祀典

禮前代

褒忠節



卷五

興文教

諭將帥

招降

諭外藩

仁政

體羣情

卷六

安民



大醫正慎刑  
大醫正懲貪佞  
除弊  
省過



大清世祖體天隆運定統建極英睿欽文顯武  
大德弘功至仁純孝章皇帝聖訓目錄



大清世祖體天隆運定統建極英睿欽文顯武  
大德弘功至仁純孝章皇帝聖訓卷之一

論治道

順治十年癸巳正月丙申

上幸內院閱通鑑

諭大學士范文程額色黑甯完我陳名夏等曰  
上古帝王聖如堯舜固難與比倫其自漢高  
以下明代以前何帝爲優文程等奏曰漢高  
祖文帝光武唐太宗宋太祖明太祖俱



屬賢君

上曰此數君又孰優名夏奏曰唐太宗似過之  
上曰朕以爲歷代賢君莫如明太祖卽唐太宗  
併數君德政皆有善者有未盡善者至明太  
祖所定制度章程規畫周詳歷代之君實皆  
不及也文程等對曰誠如

上諭

丁酉

萬壽節



上御太和殿諸王貝勒文武羣臣慶賀賜宴畢  
召大學士陳名夏至

上問曰天下何以治何以亂且何以使國祚長  
久名夏奏曰

皇上如天

上心卽天心也天下治平惟在

皇上欲致天下治平惟在一心心乎治平則治

上曰然其道如何名夏奏曰治天下無他道惟

上曰然其道如何名夏奏曰治天下無他道惟



在用人得人則治不得人則亂

上曰然得人如何名夏奏曰知人甚難然所以知之亦易今誠於羣臣中擇素有德望者常賜召見訪問則天下人心鼓舞無不欲宣力效能者矣

上又曰唐朝家法何以不正名夏奏曰由太宗家法未善故致女主擅國禍亂蔓延然貞觀政治可比隆三代惟能用人故耳上又曰人君之有天下非圖逸豫乃身當孜孜



愛民以一身治天下也若徒身耽逸樂又安  
望天下治平惟勤勞其身以茂臻上理譽流  
青史顧不美歟朕雖勤於圖治豈遂無過失  
專賴卿等匡其不逮倘朕躬有過愼勿諱言

名夏奏曰

皇上寵眷諸臣常加誠諭人心大不同於曩時

况臣受

皇上厚恩豈甘緘默但恐指陳過當耳

五月庚午



上幸內院問翰林各官何下直太早大學士范  
文程等奏曰今日端陽是以下直較早  
上顧謂羣臣曰乘藉天休猥圖安樂人情盡然  
但欲希宴逸必先習勤勞俾國家大定其樂  
方永若止圖安樂嗜慾莫遏先計身家而後  
國是其樂亦暫耳卽如朕躬所行兢兢業業  
期於盡善故每樂聞諸臣之言今之人多有  
能言而不能行者其故何也今日爲之明日  
易之弗克持久是以不能行耳夫人孰無過



知過而改卽爲善士倘自掩飾謬以爲是過  
乃滋長咎斯甚矣朕與諸臣果能共勤政務  
裨益民生天必眷之若人之所行不善弗自  
省改天必降之以殃尚能邀眷佑乎至天不  
加眷佑而委命於天不知天之譴爾者以爾  
之不善也豈有爾所行善而天譴之者昔商  
成湯爲盛德之主猶且檢身不及改過不吝  
若明之正德帝耽志嬉遊怙過不悛徒責善  
於臣工揆之修己治人之道烏乎可縱使臣



工胥善而君不改過遷善何由而向化邪自  
今以往始自朕躬有過卽改卿等亦各宜黽  
勉勤爲啓沃朕將殫力修省焉

順治十一年甲午五月甲午端陽節

上召內大臣大學士等乘龍舸遊西苑

諭諸臣曰舟敝則加修法久則加整一經修整  
則煥然復新矣馮銓奏曰今之政事

皇上勵精圖治自爾日新又新

上頷之至北橋登岸幸南臺賜諸臣饌



上曰朕甚憫耕牛勞苦不忍食其肉金之俊奏

曰

皇上恤牛之勞且然况海內百姓乎

上與諸臣歡宴至暮還宮

順治十二年乙未正月壬子

上諭內外文武官員曰朕奉

天子民孜孜圖治夙興夜寐罔敢怠荒庶望休息安養漸興教化以奏昇平乃疆圉未靖水旱頻仍儲侍不充兵民憔悴流離困苦永念



惻然雖恩赦屢頒而奉行無法每思與朕共  
理天下者惟爾內外文武諸臣是賴已有諭  
旨自朕躬闕失以及政事未當者俱令各官  
悉心條奏採擇施行茲以朕思慮所及先頒  
勅諭令各該管衙門作速遵奉興利除害稱  
朕祇承

天意周恤民隱至懷書不云乎車服以庸從來  
帝王致治最重民功之賞爾內外諸臣果能  
殫力宣猷克敷膏澤朕必論功優擢如仍前



玩忽誤國殃民定置重典

敬天

順治十七年庚子二月甲午

上諭禮部曰帝王奉

天子民禮隆禋祀享

帝大典所關尤重必儀物克備乃足昭對越之

誠向來

郊祀惟冬至用燔柴禮

祈穀壇未經舉行雖祀典原有等差而同爲祀



上帝典禮不宜有異嗣後

祈穀亦行燔柴禮

聖孝

順治八年辛卯正月辛未

上諭禮部曰朕聞君德莫先於克孝禮制莫重  
乎尊親凡帝王繼承鴻業深念劬勞必上徽  
稱以彰盛典所以隆禮顯孝也恭惟

聖母翼贊

皇考令德著於宮闈誕育藐躬恩慈勤於顧復



獲纘丕緒奄有寰區良由

聖母啓迪之所致也爰遵古典博採衆謀擬上  
昭聖慈壽皇太后尊號恭晉隆禮用展孝思

順治十三年丙申正月癸未

上諭內三院曰自古平治天下莫大乎孝孝爲  
五常百行之原故曾子備述孔子之言以爲  
孝經昭示後世上自天子下逮庶人至孝之  
道罔不備焉朕觀其立言正大意旨深遠苟  
非取古人言行關於孝道者推而廣之不足



以彰其義茲欲博採羣言加以論斷勒成一  
編名曰孝經衍義務俾讀者觀感效法以稱  
朕孝治天下之意

八月壬寅

上仰承

皇太后慈訓製爲內則衍義成書并爲序文恭  
呈

聖覽序曰臣聞致治之道有大經大法以儀型  
乎邦國必有內治內教以模楷乎宮闈故關



睢爲王化之端乾坤居大易之首聖人垂訓  
未有不以門內爲兢兢者也三代以前聖后  
賢妃肇修內治以致化行俗美具載典冊自  
非天佑至德孰能集貞淑之大成振古今之  
懿化哉恭惟  
聖母皇太后佐我  
皇考興道致治  
徽音雍穆  
慈誨周詳有典有則興仁興讓允爲萬世壺教



之軌範臣敬遵

慈旨蒐輯古來嘉言美行統成一編上備

披閱下示來茲謹按內則所載皆閨門之內起  
敬起孝興讓興仁之事而首曰后王命冢宰  
降德于衆兆民謂此乃王后世子所躬行心  
得而可爲民法者故不言布教而言降德也  
夫聖人言欲治其國者先齊其家又言家正  
而天下定齊之正之其惟內則乎世傳后妃  
紀列女傳家範內訓諸書著作不少然未嘗



原本內則而發明之豈所以尊經立教與今  
是書一本經旨而推衍之微而聲氣容色顯  
而言動儀文精而樂心養志麤而中饋女工  
所以操其心而檢其身者施諸一家無不宜  
放乎四海無不準究其指歸有八要焉孝者  
順親之要其類有二事舅姑事父母是也敬  
者內助之要其類有五事夫勸學佐忠贊廉  
重賢是也教者昌後之要其類有三教子勉  
學訓忠是也禮者持己之要其類有九敬祭



祀肅家政定變守貞殉節端好尚崇儉約謹  
言慎儀是也讓者睦戚之要其類有四崇謙  
退和妯娌睦宗族待外戚是也慈者推恩之  
要其類有五逮下慈幼敦仁愛民宥過是也  
勤者修業之要其類有二女工飲食是也學  
者取法之要其類有二好學著書是也每舉  
一類必證以聖賢經傳之言實以古今淑順  
之行所採事蹟貴賤不同而其道則同所引  
文辭深淺不一而其理則一闡明大旨詮釋



微文名曰內則衍義自禁壺達乎閭巷咸於  
斯取則焉必皆感發其性情漸摩乎理義廣  
教化而美風俗宮闈之嘉言懿行直與邦國  
之大經大法並垂不朽  
聖母皇太后休聲盛德炳若日星永作則於萬  
世矣

十二月戊戌

上諭禮部曰朕考往代典制歲時致享必於  
太廟至於晨昏謁見朔望薦新節序告虔聖誕



忌辰行禮皆另建有奉先殿今制度未備孝思莫伸朕心歉然爾部卽察明舊典具奏

順治十四年丁酉十二月丙申

上諭戶部曰

皇太后聖體違和今已大豫朕心深爲欣慰八旗及畿輔人民應加恩賚以洽歡心茲發內帑銀十萬兩一半給八旗兵丁一半遣官賑濟畿輔貧民爾部卽遵諭行

順治十五年戊戌正月辛酉皇第四子



薨生甫四月

上召諸內大臣諭曰茲者皇子薨逝爾等將無謂朕因此感傷朕前以

皇太后聖體違和時刻憂念今已大豫此真無疆之慶於願至足豈復以此幼子感懷向襄親王薨時尚反覆忖度恐

皇太后悼傷勉強抑忍且生死從來定數焉能有違朕念切國家仰副

皇太后之心安敢過爲傷念亦非強爲之詞而



有動於中也卿等宜知此意諸臣奏曰臣等

正以

皇上傷感爲慮今聞

諭旨不勝歡慰

順治十七年庚子三月辛未

上諭禮部曰

奉先殿祀

太祖

太宗神位未及并祀



四祖於朕孝思未展今詳稽舊制歲終祫祭之外有奉先殿祫祭之例以後元旦

皇太后萬壽及朕壽節俱照例祭告奉

太廟後殿

四祖神主於

奉先殿與

太祖

太宗合享位次照

太廟祫祭禮



聖學

順治十二年乙未三月癸丑

上諭內三院曰自古帝王勤學圖治必舉經筵  
日講以資啓沃今經筵已定於文華殿告成  
之日舉行而日講深有裨益尤不容緩爾等  
卽選滿漢詞臣學問淹博者八員充日講官  
侍朕左右以備諮詢

謙德

順治十四年丁酉正月壬戌禮部奏恭



遇

萬壽節諸王羣臣應上表行慶賀禮設筵宴  
上曰朕親政以來數年於茲雨暘未調盜賊未  
息民困未蘇方切儆惕今以生辰受賀彌覺  
不安至日

皇太后儀仗全設朕親詣行禮其諸王羣臣賀  
表及筵宴俱著停止

順治十六年己亥八月辛亥給事中姚  
延啓奏言



皇上文德武功史不勝書請仍加

聖號宣示中外

上曰人君政事得失全在實行無關稱聖前諭  
不許稱聖乃朕本懷非虛爲粉飾也姚延啓  
瀆奏不合其嚴飭之

節儉

順治十五年戊戌六月庚午

上諭工部內官監曰和碩榮親王瑩殿前有諭  
旨務從節省爾等須恪遵前諭但期堅固足



蔽風雨不必華侈以致勞民倘不體朕心勞民糜費後有見聞治罪不宥

儆戒

順治十年癸巳閏六月庚辰

上諭內三院曰考之洪範作肅爲時雨之徵天人感應理本不爽朕朝夕乾惕冀迓時和乃茲者霖雨匝月歲事堪憂都城內外積水成渠房舍頽壞薪桂米珠小民艱於居食婦子嗷嗷甚者傾壓致死深可軫念揆厥由來皆



朕不德所致朕當一意修省祇懼天戒爾大  
小臣工俱宜各盡職業共圖消弭京城內外  
該部確察被災戶口據實奏聞在外凡有水  
災地方督撫察明被災分數具奏請卹以昭  
朕賑恤窮黎實意

順治十三年丙申三月丙午

上諭禮部曰朕自親政以來夙夜冰兢罔敢怠  
忽務求克當

天心光昭



祖德民安物阜蚤底治平乃近者冬雷春雪隕  
石雨土所在見告變匪虛生皆朕不德所致  
朕思

天爲天下而立君爲君者代  
天敷治必使民物咸若治臻上理然後可以仰  
答眷命今水旱連年民生困苦是朕有負於  
上天作君之心一過也

祖宗創闢天下以貽子孫爲君者念  
祖宗櫛風沐雨之勞必闡揚光大四海雍熙然



後能守

祖宗之成憲朕之天下實本於

太祖

太宗積功累仁所創垂今疆圉未靖徵調頻興  
是朕有負於

祖宗付託之心一過也當睿王攝政之時誅降  
濫賞屏斥忠良任用姦貪國家錢糧恣意耗  
費以致百姓嗟怨人人望朕何日親政亟爲  
拯救今經六載雖竭力更新乃猶康乂未奏



災祲時聞是朕有負於百姓望治之心一過  
也用是恐懼靡寧撫躬自責披瀝悃誠冀回  
災變欲昭告於

上帝

祖宗實圖省改爾部作速擇吉具奏

順治十四年丁酉九月戊辰

上諭禮部曰自古變不虛生皆由人事昨日入  
夜地震有聲朕不勝悚惕因思朕卽位十有  
四年親政已歷七載雖夙夜憂勤勉圖治理



但萬幾至繁玩日愒月或至怠荒政事有乖  
民生未遂以致災譴見告用示儆戒朕今痛  
加修省文武大小羣臣俱當力改前愆協心  
盡職消弭災異此後朕躬或有闕失行政或  
有錯謬著內院輔臣據實陳奏毋得隱諱爾  
部卽傳諭遵行



大清世祖體天隆運定統建極英睿欽文顯武  
大德弘功至仁純孝章皇帝聖訓卷之一



大德曰德是二德者一曰德二曰德  
六德者德人德事德物德言德文德行



大清世祖體天隆運定統建極英睿欽文顯武  
大德弘功至仁純孝章皇帝聖訓卷之二

敦睦

順治十三年丙申八月丙子

上遣官宣慰科爾沁及諸國

敕曰爾等秉資忠直當

太祖

太宗開創之時卽誠心效順結爲姻婭請爲屏  
藩



太祖

太宗嘉爾等勲勞崇以爵號賞賚有加恩至渥  
焉朝覲往來時令陞見教誨飲食異數有加  
凡有懷欲吐俱得奏陳情意和諧如同父子  
朕荷

祖宗鴻庥統一寰宇恐於

祖宗德意有違成憲未合恒用憂惕但初年朕  
在幼冲睿王攝政任意變更不遵舊制所行  
悖逆以致衆怒羣怨使爾等夙夜望朕親政



長保恩惠如得復見

太祖

太宗乃朕自親政以來六年於茲矣未得一見  
豈朕忘爾等哉蓋因地廣事煩萬幾少暇且  
痘疹流行爾等遠來之日朕復出巡幸是以  
相見甚疎然相見之疎固自有由而懷爾之  
誠時切朕念每思爾等效力年久戰伐多功  
雖在寤寐未之有歟茲念爾等久不來見恐  
有誠意不得上通故特遣官齎敕賜爾等緞



正以諭朕意嗣後有欲奏聞之事卽行奏請  
朕無不體恤行之朕方欲致天下於太平爾  
等心懷忠直毋忘

太祖

太宗歷年恩寵我國家世世爲天子爾等亦世  
世爲王公享富貴於無窮垂芳名於不朽豈  
不休乎

順治十四年丁酉三月丁卯定遠大將  
軍世子濟度班師還京時世子濟度父



和碩鄭親王母福金弟多羅敏郡王及  
世子福金俱已相繼薨逝及至

上命議政大臣等迎於盧溝橋告之世子隨詣

靈柩前哭泣盡哀然後還府

上親臨其第濟度率官屬出迎

上望見惻然墮淚稍前

上降輿執其手慟甚侍臣無不揮涕

上謂濟度曰朕來初欲解慰及見爾慟不能已  
爾尚勉聽朕言少節悲哀爲國自愛遂手賜



茶酒復賜諸貝子公大臣茶畢還宮

諭羣臣

順治九年壬辰十二月丁卯

上宴內大臣大學士尚書侍衛於中和殿賜大學士洪承疇陳名夏陳之遴尚書高爾儼胡世安金之俊李化熙張鳳翔貂鑲朝服各一襲

諭曰爾等皆朕倚任大臣若能潔己奉公屬員自當效法倘貪黷相尚必致顛倒是非不但



公論不容抑且國法難宥爾等其思之

順治十年癸巳三月戊辰

上幸南臺召三院大學士學士翰林官六部尚  
書都察院左都御史從賜宴

上持弓顧謂諸臣曰我朝戡定天下皆弓矢之  
力也曩者每歲出獵練習騎射今朕躬親政  
事天下至大機務至繁一應章奏皆朕親爲  
裁決日無暇晷身雖無暇心常念茲不忘也  
諸臣奏曰



皇上此言誠欲措天下於太平居安思危真海

內之福臣等願

皇上始終存此念耳

上曰卿等恐朕志不堅有違此言朕將自堅厥志卿等皆國之大臣亦當堅心輔朕務使天下乂安有備無患其諭大小臣工勉體朕懷

順治十二年乙未正月戊戌

上諭諸王大臣等曰昔

皇考上賓朕方六歲正在幼沖當時諸王大臣



同心推戴嗣紹丕基及定鼎京師奄有四海  
於時睿王攝政朕惟拱手以承祭祀凡兵民  
之疾苦原未周知自朕親政以來五年於茲  
焦心勞思以求化理夙夜祇懼不敢荒寧日  
望諸王大臣以嘉謨嘉猷入告匡救其失而  
輔其不逮乃疆圉未靖水旱頻仍吏治惰汙  
民生憔悴錢糧侵欠兵食不充教化未孚紀  
綱不立保邦致治之道迄今未得其要領朕  
思諸王大臣皆親見



太祖

太宗創業垂統之艱難年來闢地綏民之不易  
必有長策以裨治安而未見有直言得失者  
豈朕聽之不聰而虛懷納諫有未盡歟何相  
率而默默也以天下之大幾務之繁責於一  
人而弗圖勵翼朕雖涼德獨不念

太祖

太宗培養之恩乎揆厥存心或以爲奉命議事  
祇宜將順而行否則緘口容身可保富貴試



熟思之天下未平富貴能長保乎以後凡養  
兵愛民興利除害有關政治者居則深思進  
則敷奏各抒忠藎以慰朕懷至於當事諸臣  
因循積弊僅以簿書爲務不肯精思職掌擔  
大事發正言以圖實濟國計民生將何賴焉  
內外大小各官專爲身謀罔念官守容容充  
位望缺希遷祿秩是營恩怨不化真心爲國  
殆鮮其人前御史吳達謂滿朝大小各官盡  
皆臃腫朕以爲出言太過由今觀之似不誣



矣茲復開誠切諭務痛加省改有官守者必盡其職有言責者必盡其言弼德塞違期臻郅治君臣上下俱有令聞豈不美哉

順治十三年丙申閏五月丁丑宣大總

督張懸錫陛辭

上諭曰卿到地方必勤慎供職毋使天下謂朕無知人之明此卽卿之所以報朕也賜春夏衣各一襲又

諭曰卿服此衣如侍朕左右當勉盡厥職復賜



鞍馬一匹

求言

順治十年癸巳正月辛未

上諭內三院曰近來言官條奏多係細務未見  
有規切朕躬者朕一日萬幾豈無未合  
天意未順人心之事良由諸臣畏憚忌諱不敢  
進諫耳朕雖不德於古帝王納言容直每懷  
欣慕朕躬如有過失諸臣須直諫無隱卽偶  
有未合不妨再三開陳庶得省改力行正道



希臻治平進言切當者必加旌獎言之過戇者亦不譴責爾等卽傳諭大小諸臣俾咸悉朕意

七月辛亥

上諭內三院曰朝廷設立言官原爲繩愆糾繆事關朕躬尚許直言無隱况諸司過失理當糾舉其言果當宜虛心靜聽卽言有未當止宜分晰事理聽候朕裁豈容私逞報復近見科臣言事該部回奏輒援引律文欲以箝制



言官自匿己非若如此是使人不敢指摘任意所爲而上無由知殊負朕任人求治之心向來未經申飭不諳規矩姑不深究以後斷宜切戒至言官論事亦須明白確指不得摭拾風影挾私妄訐著通行嚴飭

順治十一年甲午二月丙寅

上諭臺省諸臣曰朕惟言官耳目之司每期直言無隱欲聞天下之邪正貪廉大利大害以便發政施令立致太平故從前屢下明旨屬



望至切孰意重違朕心納交結黨或有身被  
人言倩人報復者或有徇護同黨代爲報復  
者以故多有明知其惡畏其同黨而不敢言  
每閱章奏實心爲國者少附黨行私者多朕  
圖治方殷豈容比匪成姦但念秋霜肅殺莫  
若陽春化育嗣後須各滌肺肝捐舊圖新實  
心爲國凡天下邪正貪廉大利大害直言不  
諱則政理新而太平可臻爾等身家名譽亦  
與之俱永矣



三月戊申

上諭臺省諸臣曰陳名夏姦惡爾等明知向來  
懼怯不言已屬溺職及面加詰責皆云雖有  
風聞未得實據朕在深宮尚且洞悉爾等職  
司耳目何得懵無見聞明係知而不言相率  
欺蔽人臣爲國爲君忠愛之道豈宜如此今  
陳名夏已經正法爾等薄加降罰聊示懲戒  
嗣後務宜痛改前過從善去邪知無不言言  
無不實庶使儉壬屏跡中外肅清副朕求言



圖治之意

癸丑

上諭吏部曰

太祖

太宗創業開基收服諸國朕入關討賊除暴救民平定中原統一四海悉賴滿洲兵力建功最多勞苦實甚乃產薄差繁凡有征行馬匹器械衣甲餼糧無不自備效力彌勤資生無策深可軫念十年以來章奏雖多未見言及



於此者近覽科臣林起龍所奏思慮周詳條畫有緒實心爲國忠誠可嘉嗣後凡事關政治得失民生休戚大利大害應興應革切實可行者言官俱宜悉心條奏直陳無隱如果爲國抒誠有裨政事朕不靳懋賞爾部卽行傳諭

四月癸酉

上諭都察院科道諸臣曰朕覽近日言官糾參章疏率皆牽連陳名夏或曰名夏親戚或曰



名夏黨與似此紛紜舉朝幾無善類矣爾等  
言官既有真見何不言於名夏未發覺之前  
乃因其已經正法輒吹求無已成何政體殊  
非朕虛懷納牖之意嗣後論人論事須指實  
直言不得再借名夏親戚黨與具奏違者治  
罪

順治十二年乙未正月甲辰

上諭吏部都察院及科道諸臣曰三年以來水  
旱相仍干戈未息饑饉人民轉徙溝壑滿洲



兵士困苦無聊災變未弭時艱莫救其故安  
在意者朕躬有闕用人不當行政失宜以致  
是歟抑諸王貝勒大臣或有勵翼未盡而然  
歟前曾有旨命言官直陳時事無論當否槩  
予優容後乃分別是非閒有譴謫致生疑畏  
之心章奏敷陳未免瞻顧兵民疾苦不得上  
聞今廣開言路博詢化理凡事關朕躬者何  
令不信何政未修諸王貝勒辦事諸臣曠職  
之愆叢弊之處及內外各司何害未除何利



未與各據見聞極言無隱須詳明切實庶便覽觀一切啓迪朕躬匡弼國政者所言果是卽與採用如有未當必不加罪

順治十七年庚子五月己卯

上諭吏部等衙門曰朕統御寰區焦心圖治前此屢有引咎省躬詔諭自今追思皆屬具文虛邀名譽於政事未有實益且二十三年閒時有過舉經言官指陳有卽加處分者有優容寬宥而此心介介尚未全釋者事有錯



誤猶可改圖居心未淨政事之流弊必多今  
上天示儆亢旱癘疫災眚迭見寇盜未寧民生  
困瘁用是痛加克責實行省改向因建言得  
罪流徙降革等官吏部詳察職名事蹟開列  
具奏目今政務關係國計民生利害所在急  
當興革者爾部院等衙門各據實條奏科道  
各官尤當盡言無隱卽朕躬闕失亦直言勿  
諱朕不惟不加罪併不芥蒂於心共圖挽回  
天意早躋昇平



納諫

順治九年壬辰九月戊戌大學士洪承疇陳之遴奏言臣等閱欽天監奏云太白星與日爭光流星入紫微宮竊思日者人君之象太白敢於爭明紫微宮者人君之位流星敢於突入上天垂象誠宜警惕且今年南北旱澇歲饑寇警處處入告

宗社重大非



聖躬遠幸之時達賴喇嘛遠來遣一大臣迎之  
足矣何勞

聖駕親往爲也天道深遠固非臣等所能測度  
但

乘輿將駕而星變適彰此誠

上蒼仁愛

陛下之意不可不深思而省戒也疏入

上諭承疇等曰卿等所諫甚是朕卽停止以卿  
等賢能故擢贊密勿嗣後國家一切機務及



百姓疾苦之處如何始合民心如何不合民心卿等有所見聞卽詳明敷陳勿得隱諱朕生長深宮無由洞悉民隱凡有所奏可行卽行縱不可行朕亦不爾責也

順治十年癸巳七月戊戌和碩鄭親王等以今年雨潦異常奏請暫停宮殿工程以錢糧賑濟軍民

上曰王等所奏甚是宮殿及各項工程俱令停止以休養軍民各處田地速行踏勘賑濟事



宜勿得延緩自王以下至各官凡祭祀飲食  
槩宜從儉朕亦自圖節省

任官

順治八年辛卯閏二月丙辰

上諭吏部曰邇來吏治敝壞不肖者朘削民財  
營求陞轉不恤地方荒殘民生疾苦稍知自  
愛愛民者因上官舉薦不公不覺操守頓易  
至於不識文義之人益不勝任文移招詳全  
憑幕友代筆轉換上下與吏役通同作弊貽



害百姓督撫不行糾參大乖法紀嗣後應嚴行甄別有德有才兼通文義者著保奏其不識文字聽信吏役害民者立行參劾不得姑留地方如督撫徇情隱蔽不行糾參卽爲溺職事發一併治罪至於銓選之時爾部考試文移告示等項優者選用劣者除名澄清吏治大端在此內外各官著遵諭實力舉行

順治十年癸巳三月己巳

上諭內三院曰朕稽往制每科考選庶吉士入



館讀書歷陞編檢講讀及學士等官不與外  
任所以諮求典故撰擬文章充是選者清華  
寵異過於常員然必品行端方文章卓越方  
爲稱職乃者翰林官不下百員其中通經學  
古與未嘗學問者朕何由知今將親加考試  
先閱其文繼觀其品再考其存心持己之實  
據務求真學備朕異日顧問自吏禮兩部翰  
林侍郎及三院學士詹事府詹事以下各候  
朕旨親試分別高下以昭朕慎重詞臣之意



四月庚子

上諭吏部曰國家官人內外互用在內者習知紀綱法度則內可外在外者諳練土俗民情則外亦可內內外外敷歷方見真才朕親試詞臣量爲分別有照舊留任者有改授外任者其外任編檢以上官照詞臣外轉舊例優與司道等缺如年衰病弱者聽其請告朕仍優遣之

順治十二年乙未九月辛卯



上諭吏部曰國家官人原當內外互用以勵羣材近見外官內轉京官外任者多能稱職宜再行互用除翰林官員朕自裁定其六部卿寺等官有才優經濟堪任養民者著各堂官開列六科官員著吏科開列各道御史著都察院開列通送吏部會同都察院察核速奏其在外司道等官品行著聞政治卓越者確察實蹟遇缺內轉務使內外得人職事修舉以副朕圖治安民至意



己亥

上諭吏部曰翰林官員簡擢中祕習知法度今用人孔亟必得文行兼優者以學問爲經濟庶能飭法惠民助登上理茲朕親行裁定陳爌等十八人皆品行清端才猷贍裕信任既久圖報必殷著各照外轉應得職銜陞一級用遇缺卽補各官須益矢忠勤興利除弊副朕圖治安民至意

順治十三年丙申六月乙未陝西總督



大新馬之先陞辭章皇帝聖旨卷之二  
上諭曰以爾素望堪任斯職故行特簡爾受事  
後務實心供職興利除害陝西乃天下咽喉  
要地爾須較前任孟喬芳倍加勤慎方克有  
濟毋使天下謂朕不知人也爾其勉之



大清世祖體天隆運定統建極英睿欽文顯武  
大德弘功至仁純孝章皇帝聖訓卷之二







